



Na osnovu člana 1. Budžeta Kantona Sarajevo za 2024. godinu ("Službene novine Kantona Sarajevo" broj 55/23), čl. 4. stav (2) i 22. stav (2) Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj 55/23), člana 9. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo" br. 22/21, 13/22 i 21/24), Odluke o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva za rad, socijalnu politiku, raseljena lica i izbjeglice Kantona Sarajevo za 2024. godinu ("Službene novine Kantona Sarajevo" broj 13/24) i člana 3. Pravilnika o postupku za dodjelu novčanih transfera humanitarnim organizacijama/neprofitnim organizacijama/ i udruženjima za finansiranje i sufinansiranje aktivnosti/programa/projekata ("Službene novine Kantona Sarajevo", broj 16/22), ministrica za rad, socijalnu politiku, raseljena lica i izbjeglice Kantona Sarajevo, donosi

## **O D L U K U**

**o raspisivanju Javnog poziva za dodjelu novčanih transfera humanitarnim organizacijama/neprofitnim organizacijama/ i udruženjima koji se finansiraju i sufinansiraju od strane Ministarstva za rad, socijalnu politiku, raseljena lica i izbjeglice Kantona Sarajevo kao nosioca budžetskih sredstava**

### **I**

(1) U skladu sa Operativnim planom i Odlukom o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva za rad, socijalnu politiku, raseljena lica i izbjeglice Kantona Sarajevo za 2024. godinu ("Službene novine Kantona Sarajevo" broj 13/24), raspisuje se Javni poziv za dodjelu novčanih transfera humanitarnim organizacijama/neprofitnim organizacijama/ i udruženjima iz sredstava koja se nalaze u Budžetu Ministarstva za rad, socijalnu politiku, raseljena lica i izbjeglice Kantona Sarajevo za 2024. godinu, na poziciji NAN045 - "Socijalni projekti".

(2) Pravo učešća na ovom javnom pozivu nemaju humanitarne organizacije/neprofitne organizacije/ i udruženja koja se stalno finansiraju od strane Ministarstva prema Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 – Prečišćeni tekst, 38/16, 44/17, 28/18, 52/21 i 40/22).

### **II**

Za dodjelu transfera cijenit će se opći i posebni kriteriji utvrđeni Uredbom o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo" br. 22/21, 13/22 i 21/24), Pravilnikom o postupku za dodjelu novčanih transfera humanitarnim organizacijama/neprofitnim organizacijama/ i udruženjima za finansiranje i sufinansiranje aktivnosti/programa/projekata ("Službene novine Kantona Sarajevo", broj 16/22), kao



i Kriterijima za bodovanje i dodjelu sredstava za aktivnosti/programe/projekte po Javnom pozivu od strane Ministarstva kao nosioca budžetskih sredstava za tekuću godinu koje donosi Komisija za provođenje Javnog poziva.

### III

Javni poziv će biti objavljen na internet stranici Ministarstva za rad, socijalnu politiku, raseljena lica i izbjeglice Kantona Sarajevo, [www.mrsri.ks.gov.ba](http://www.mrsri.ks.gov.ba), a Obavijest o raspisivanju Javnog poziva za dodjelu novčanih transfera humanitarnim organizacijama/neprofitnim organizacijama/ i udruženjima za finansiranje i sufinansiranje aktivnosti/programa/projekata za 2024. godinu biće objavljena u najmanje jednim dnevnim novinama visokog tiraža koje se distribuiraju na području Bosne i Hercegovine.

### IV

Podaci o dodijeljenim sredstvima objavit će se na internet stranici Ministarstva za rad, socijalnu politiku, raseljena lica i izbjeglice Kantona Sarajevo, [www.mrsri.ks.gov.ba](http://www.mrsri.ks.gov.ba) i putem Registra transfera neprofitnim organizacijama i pojedincima iz Budžeta Kantona Sarajevo.

### V

Za provođenje Javnog poziva i realizaciju postupka dodjele sredstava, ministrica za rad, socijalnu politiku, raseljena lica i izbjeglice Kantona Sarajevo će imenovati Komisiju.

### VI

Rok za okončanje postupka dodjele novčanih sredstava i donošenja odluke je 30 dana od dana isteka roka za prijavu na Javni poziv.

### VII

Stupanjem na snagu ove odluke prestaje da važi Odluka o raspisivanju Javnog poziva za dodjelu novčanih transfera humanitarnim organizacijama/neprofitnim organizacijama/ i udruženjima koji se finansiraju i sufinansiraju od strane Ministarstva za rad, socijalnu politiku, raseljena lica i izbjeglice Kantona Sarajevo kao nosioca budžetskih sredstava (“Službene novine Kantona Sarajevo“ broj 20/24).

### VIII

Ova odluka stupa na snagu danom donošenja i objavit će se u “Službenim novinama Kantona Sarajevo” i na web stranici Ministarstva.

Broj: 13-03/1-31-39563/24  
Sarajevo, 29.08.2024. godine



PO OVLAŠTENJU MINISTRICE  
SEKRETARKA MINISTARSTVA

Amira Gackić



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

2/2